

方輿考證一百卷

三五

文獻卷一 目錄

七

方輿考證卷七十三 浙江一

浙江

建置沿革。禹貢揚州東境春秋時屬吳越二國後并於越戰國

屬楚秦屬會稽郡及鄣郡地嚴州湖州二郡之西境屬鄣郡漢為會稽郡及丹

陽郡地元封五年置十三州部刺史分屬揚州後漢移會稽治

山陰分浙西立吳郡三國屬吳增置臨海吳興東陽新都四郡

晉亦屬揚州東晉又分置永嘉郡宋孝建初分浙東會稽東陽

新安改吳新都臨海五郡置東揚州而浙西仍屬揚州大明三年以

東揚州為揚州時以揚州為王畿故云爾八年復曰東揚州永光九年仍省

入揚州齊因之梁普通五年又分置東揚州太平元年罷陳天

嘉三年復置東揚州隋平陳置吳杭二州總管府及婺處睦等

州大業初改為會稽餘杭東陽永嘉遂安五郡及吳郡之地時嘉

湖二府之地俱屬吳郡

唐武德初復改諸郡為州貞觀元年屬江南道開

元二十一年分屬江南東道乾元初分置浙江東西二道五代

為吳越國分置秀州宋至道中屬兩浙路熙寧中分浙東西為

兩路元置江浙等處行中書省後為方國珍張士誠等所據明

洪武九年置浙江等處承宣布政使司 本朝因之

形勢○東瀕於海

嘉興寧波台州温州四府皆東瀕海為極衝

南極於閩

衢州處州温州三府皆與

福建

西接重山

衢州府接江西之廣信嚴州府接安徽之徽州湖州府接安徽之廣德其間山谿盤錯道路非

一北限五湖

太湖常州府之北嘉興府之西北與蘇松接壤

○通志浙江圖說元置

浙江等處行中書省明洪武九年改浙江承宣布政使司割嘉

興湖州二府隸焉省會曰杭州次嘉興次湖州凡三府在江之

右是謂浙西次寧波次紹興台州金華衢州嚴州處州凡八府

在江之左是為浙東其幅員之廣輪東至海西至江西南至福

建北至江南形勢阨塞山川雄秀井邑繁庶昔人擬之關中非虛語也說者當秦漢時吳越尙在荒服聲教之開當在魏晉以後然禹會諸侯於會稽執玉帛者萬國聖化廣被自三代之初以迄於今蓋亦遠矣。按浙江據山倚海而浙江貫乎其中杭州實一都會然非帝王建都之地昔人云據西北以控東南浙江處中原下流烏足以制上游哉宋高宗宴安湖山之間稱臣納幣君父之讐不問祖宗之山陵不顧卒至子孫陵夷以亡其國亦其勢然也領府十一散州一縣七十有六

疆域。東西距八百八十里南北距一千二百八十里東至寧波府大海六百餘里西至江南徽州府界二百八十里南至福建建寧府界九百六十里北至江南蘇州府界一百二十里東南至福建福寧府界一千一百二十里西南至江西廣信府界

七百五十里東北至江南松江府界三百七十里西北至江南廣德州界三百二十里自司治北至 京師三千三百里

名山

會稽○在紹興府東南十二里管子禹封泰山禪會稽吳越春秋山本名苗山禹更名會稽說者云會稽者會計也禹會諸侯故名周禮職方氏揚州其山鎮曰會稽

天目○在杭州府臨安縣西於潛縣北湖州府安吉州西南界高峻盤紆爲西面之巨鎮一名浮玉山奇勝不可殫究唐書地理志江南道名山有天目

四明○在紹興寧波兩府之境盤跨數縣之界其由鄞縣小溪鎮入者曰東四明由餘姚白水鎮入者曰西四明由奉化雪竇山入者則直曰四明高迴幽異蓋仙靈之窟宅唐六典江南道

名山有四明

天臺○在臺州府天臺縣西北旁薄縣西北之境一名桐柏山當斗牛之分上應臺星故名天臺唐李白詩天臺臨四明華頂高百越是也唐書地理志江南道名山有天臺

括蒼○跨臺州處州二府之境東接縉雲西臨仙居南控海甯南境之大山也一名蒼嶺吳錄云括蒼山登之撫視雷雨唐六典江南道名山有括蒼

金華○在金華府北二十里亘金華蘭溪浦江義烏四邑之境一名長山金華之稱或謂起於蕭梁時或謂始於天寶間唐書地理志江南道名山有金華

大川

浙江○有三源西曰新安江一曰歙港爲正源自安徽徽州府

流入嚴州府經淳安入建德縣界東南曰東陽江亦曰婺港水
經謂之吳寧溪源出金華府東陽縣西流經義烏金華至蘭溪
縣西南曰信安江亦曰衢港漢志謂之穀水源出衢州府江山
縣東北流經西安龍游湯溪至蘭溪縣而會東陽江二江合流
北至建德縣東南二里合新安江三源並流東北經桐廬富陽
至錢塘縣南爲錢塘江又東北至紹興府北與錢清曹娥二江
滙爲三江海口浙亦作浙水經謂之漸江也

苕溪○有二源一曰東苕出天目山之陽東流經杭州府之臨
安餘杭錢唐縣又東北經湖州府之德清縣爲餘不溪北至湖
州府城中謂之霅溪一曰西苕出天目山之陰東北流經孝豐
縣安吉州又東經長興縣至湖州府城中二溪合流由小梅大
錢二湖口入太湖

太湖○在湖州府北二十八里詳見江蘇江浙分湖在江蘇則屬蘇州之吳縣吳江震澤於常州屬宜興在浙江則屬湖州之烏程長興湖長五百里周三萬六千頃而烏程長興獨有二萬頃則屬湖州者爲尤多禹貢謂之震澤職方謂之具區誠東南之巨浸也唐書地理志江南道大川有太湖

海○浙江之形勢東面以海爲境海塘海防皆所當講求也嘉興以北接蘇州洋温州府以南接福建洋而杭嘉紹適當江海交會之處則海塘之工爲最詳寧臺東極大洋則海防之策爲尤要

田賦○民田四十五萬九千七百八十七頃七十畝賦銀雍正五年蠲除八萬七千二百兩乾隆三年四年蠲除四萬五百四十兩實徵銀二百八十一萬二千四百四十九兩糧一百十有

三萬四百八十一石各有奇歲漕京師八十五萬六千七百三十九石留充本省經費二十七萬三千七百四十二兩各有奇屯田○一千七百四十一頃六十四畝賦銀一萬七千八百九十七兩各有奇

戶口○三百有四萬三千七百八十六戶八百六十六萬二千八百有八口

兵制○隸於兵部者撫標七百八十六人水陸提標一萬二千三百七十六人黃岩鎮標六千五百九十六人定海鎮標五千八百二十三人溫州鎮標八千一百三十五人處州鎮標三千九百二十四人衢州鎮標三千八百八十九人

戰船○外海戰船一百九十有七內河戰船二百二十有一驛程○至京師三千一百一十七里水路三千四百八十六

里自杭州府錢塘縣吳山驛一百二十里至石門縣皂林驛又九十里至嘉興縣西水驛又一百二十里至蘇州府吳江縣平望驛又四十五里至姑蘇驛又二千六百五十五里至京師按至京師道里此遵會輿與一統志所載微不同至通志謂自司治至京師四千二百里未免過賒矣

杭州府

沿革。禹貢揚州之域春秋爲越西境戰國屬楚秦置錢唐縣屬會稽郡漢爲會稽郡西部都尉治後漢分屬吳郡晉以後皆因之陳禎明元年置錢唐郡屬吳州隋廢郡置杭州仁壽中置總管府大業初府罷改曰餘杭郡唐武德四年復置杭州天寶初曰餘杭郡乾元初復曰杭州屬江南東道景福二年移鎮海節度來治五代時錢鏐建吳越國以杭州爲國都宋曰杭州餘杭

郡淳化五年改寧海軍節度屬兩浙路建炎三年以爲行在所
升臨安府遂都於此元至元十三年立兩浙都督府十五年改
杭州路爲行中書省治明改杭州府爲布政司治 本朝因之
領縣八州一

形勢。西界浙江東奄左海

唐杜牧語

范仲淹所謂江海上游東南巨

屏也。隋書地理志川澤沃衍有海陸之饒。宋秦觀雪齋記

外帶濤江漲海之險內包湖山竹林之勝又葛澧帝都賦據東

南之都會號繁盛之樂土山川秀麗井邑浩穰。按宋高宗聽

王淵之言遂如杭州卽州治爲行宮旣秦檜主和遂宴安於此

眞西山所謂國家駐蹕海隅何異越棲會稽之日士大夫狃於

湖山歌會之娛無復故宮黍離之嘆誠爲可恨然此固高宗無

志亦其形勢然也問秦漢以來有以浙海一隅抗衡中原者乎

蓋其形勢淺露恃江淮為藩捍江淮不守則全浙震驚不待斷
亭臯之山決西湖之水而始見其危也

壇域。東西距一百九十里南北距七十三里東至赭山海口
六十里西至嚴州府桐廬縣界一百三十五里南至紹興府蕭
山縣界二十八里北至湖州府德清縣界四十五里東南至蕭
山縣界二十八里西南至金華府浦江縣界三百四十里東北
至嘉興府石門縣界一百二十里西北至江蘇寧國府寧國縣
界二百八十里北至 京師三千三百里

錢塘縣

秦置錢唐縣屬會稽郡漢為會稽西部都尉之治後漢省入餘杭後復置晉屬吳郡宋齊梁因之陳頑明初於

縣置錢唐郡隋仍廢為縣屬杭州大業三年為餘杭郡治唐曰錢塘為杭州治五代及宋初因之南宋為臨安府治元為杭州路治明為杭州府治。附郭在府治西偏東至清泰望江二門與仁和縣分界西至餘杭縣界四十五里北至富陽縣界七十里北至德清仁和縣
漢錢唐縣地晉為錢唐鹽官二縣地五代縣界七十里仁和縣梁龍德二年吳越割置錢江縣與錢塘並

爲杭州治宋太平興國四年改曰仁和元明皆因之。附郭在府東北偏東至海寧縣界六十里西至錢清門與錢塘縣分界南至蕭山縣界二十八里海寧州漢海鹽縣之鹽官地三國吳北至德清縣界四十五里置海昌都尉於此後改置鹽官縣屬吳郡晉以後因之陳永定二年於縣置海寧郡尋廢隋屬餘杭郡唐武德四年屬東武州七年省入錢唐縣貞觀四年復置屬杭州五代因之宋屬臨安府元屬杭州路元貞元年升鹽官州天曆二年改海寧州明洪武二年降州爲縣仍屬杭州府。在府東少北一百七里東至海鹽縣界八十三里西至仁和縣界四十七里南至蕭山縣界四十里北至石門縣界三十里富陽州漢置富春縣屬會稽郡後漢屬吳郡三國吳置東安屬錢唐郡隋屬餘杭郡唐屬杭州五代時復曰富陽宋齊因之陳國三年仍曰富陽建炎中屬臨安府元屬杭州路明屬杭州府。在府西南九十里東至錢塘縣界二十五里西至新城縣界三十里南至諸暨縣界八十五里北至餘杭縣界三十里餘杭州秦置屬會稽郡漢因之後漢屬吳郡三國吳寶鼎初改屬吳興郡晉以後因之唐屬杭州五代因之宋以後同上。在府西北七十里東至錢塘縣界三十里西至臨安縣界七十里南至富陽縣界二十五里北至湖州武康縣界五十九里臨安州漢餘杭縣地後漢建安十六年分置臨水縣屬吳郡三國吳寶鼎初屬吳興郡晉太康改曰臨安宋齊以後因之隋省武德七年復置臨水縣屬杭州五代梁吳越改曰安國縣並置餘杭於潛地置臨安縣屬杭州五代梁吳越改曰安國縣並置

衣錦軍宋太平興國四年改為順化軍尋廢軍復為臨安縣建
炎初屬臨安府元明同上。在府西北一百里東至餘杭縣界
一十八里西至於潛縣界三十五里南至新城
縣界四十里北至湖州府孝豐縣界七十里 於潛州 漢置縣
郡三國吳寶鼎初分屬吳興郡晉以後因之陳屬錢唐郡隋屬
餘杭郡唐武德七年於縣置潛州八年州廢還屬杭州五代因
之宋元明同上。在府西北一百七十里東至臨安縣界三十
里西至昌化縣界三十里南至嚴州府分水縣界六十里北至
安徽寧國縣 新城州 漢富春縣地三國吳析置新城縣屬東安
界五十五里 郡尋廢晉太康末復置尋又廢咸和九年
又置屬吳郡宋齊因之陳屬錢唐郡隋省唐永淳初復置屬杭
州五代時吳越改為新登宋復故屬臨安府元明同前。在府
西南一百二十里東至富陽縣界二十里西至於潛縣界
七十五里南至桐廬縣界二十里北至臨安縣界七十里 昌化
州 漢於潛縣地唐萬歲通天初置武隆縣聖歷三年省入紫溪
長安四年復置神龍初改曰唐山大歷二年廢長慶初復置
唐山縣屬杭州五代梁時吳越改曰金昌後唐同光初復曰唐
山石晉天福七年改曰橫山又改曰吳昌宋太平興國三年始
以曰昌化建炎中屬臨安府元明同前。在府西二百里東至
於潛縣界一十五里西至徽州府歙縣界十五里南至淳化縣
界七十五里北至安
徽寧國縣界十二里

山川。吳山

在府城內西南隅。舊圖經吳山在錢塘縣城內春
秋時為吳南界以別乎越故名或曰伍子胥名訛伍

爲吳。舊郡志亦稱晉山上有子胥祠。潛確類書凡城南隅諸山蔓延相屬總曰吳山而異其名山中亭榭寺觀繁多最勝者爲三茅觀雲居寺江山一覽亭俱在山之巔登者由西崖而上兩旁奇石峻峭一名瑞石山其左爲紫陽洞。名勝志一名瑞石山左爲紫陽洞又側爲橐駝峰後有青衣洞有泉曰青衣泉按湖山西上有寶月山東北爲蛾眉山又東爲淺山正東爲金地山金地之支爲竺圖山淺山之支爲七寶山有青霞洞七寶之支卽瑞石山也統曰吳山。方輿紀要山左帶大江右瞰西湖宋建三年兀术陷臨安將還歛兵於吳山七寶山七寶卽吳山西南面支峰也紹興末金亮聞其勝概欲立馬吳山遂南侵是也。舊通志吳山在紫陽山巔上建崇臺左江右湖近在几席環城三十里烟火萬家與山光雲影相映誠一郡之大觀也

龍山 在錢唐縣南五里一名卧龍山。方輿紀要龍山之北卽包家山宋紹興十年建玉律園於山北淳熙十二年大閱於龍山後屢閱於此王應麟曰孝宗乾道以後屢幸茅灘大閱慶元二年殿帥郭杲言茅灘在江東岸潮汐不時若營教場徒費修治不如專闢於龍山從之山之東有白塔嶺路出江頭。一統志在縣南五里又名龍華山南下有包家山有冷水峪多桃花爲春日遊覽之勝名桃花關又有王山卽龍山之最高者有登雲臺乃錢氏郊天之所宋園邱亦在於此有靈化洞深可百餘步

南屏山 在錢塘縣西南三里。潛確類書南屏山怪石壁立如屏其凌空而中峙者曰慧日峰。一統志峰巒秀竦環立如屏中穿一洞上有石壁刻宋司馬光書北有淨慈寺寺前一峰曰雷峰上有塔其西爲九曜山去城五里

餘山西南為太子灣以宋莊
文景獻二太子攢圖而名 **赤山** 在錢塘縣西南。方輿紀要

而西有玉岑山少北為三臺山于忠肅墓在焉玉岑山即赤山
自西湖出江往往取途於此宋建炎中金人犯臨安兀木突至

赤山即此俗名赤山阜南征記赤山埠西走富陽南出江灘
有六和塔宋初僧永明所建以鎮江湖亦江濱控扼之處也 **九**

曜山 在府西南南屏山西。潛確類書山為宋莊文景獻二太
子攢圖折而南為石屋洞高敞虛明衍迤二丈六尺狀如

軒榭又南為烟霞嶺下有水梁洞洞壑虛竊泉響作金石聲
有烟霞洞洞中皆丹元五采山之陰即南高峰也詳見後 **秦**

望山 在錢塘縣西南。明史地理志錢塘南有秦望山。方輿
紀要在府西南十二里輿地志秦始皇東遊登山瞻望欲

渡會稽因名吳越史唐咸通中望氣者言東南有王氣使侍御
史許渾賁壁座此以厭之山東南有羅刹石橫截江濤後改名

鎮江石五代梁開平中為潮汐所漲沒按 **五雲山** 在錢塘縣
後唐同光中錢氏於秦望山建上清宮 **五雲山** 通志在縣西

南二十里高千丈周回十五里山半有伏虎亭梯以石礮以便
往來至巔平岡曰月輪山江三折當其前有天井二大旱不竭

按山甚高險繞山盤曲而上凡七十二灣石磴百餘級至伏虎
亭又焦山在縣西南四十里高一千二百丈周二十里縣境諸

山以此 **界石山** 在錢唐縣西南。元和志錢塘縣界石山在縣
為最高 西南四十九里。通志唐沈仲昌狀江南詩雷

是樟亭浪若為界石錢即此山也今迷其舊名莫定何處。按
縣西南五十里有白岩山高九百二十丈周十五里有蜂房岩

方輿紀要卷七十三浙江一